



## Klas-natur « Frouezh an Diskar-amzer »

An diskar-amzer 'zo ur c'houlz-bloaz ma vez gwelet ur bern livioù brav en natur. Ar c'houlz eo ivez da gavout frouezh er c'hoadoù pe er werje... Peadra da dañva blazioù nevez pe ankouaet ! Evit deskiñ labourat a-stroll, gant ur spered skipailh, setu ur raktres a-feson evit bugale ho klas :

### Fardañ chug gant avaloù dastumet asambles !

Amañ dindan e kavfet ur program savet gant hon skipailh war ur sizhunvezh evit ar vugale da zizoleiñ an natur en diskar-amzer gant plijadur. Mont da bourmen er gwenodenoù, er c'hoad, er werje, chom estlammet gant ar gweledva, an delioù... Tañva kraoñ-kelvez, krazañ kistin, selaou kontadennoù en-dro d'an tan... Evel-just e c'hell ar program-mañ azasaat d'ho c'hoantoù pedagogel : posubl eo lemel, ouzhpennañ, cheñch, diblasañ traoù ennañ digudenn. Digor eo ar greizenn d'ar skolioù-mamm ha kentañ derez evit chomadenoù etre 2 ha 5 devezh.

	Lun	Meurzh	Merc'her	Yaou	Gwener
<b>Mintin</b>	En em gavout er greizenn  Staliañ an aferioù, dizoleiñ an en-dro	<b>Er c'hoad :</b>  * Tresañ ar c'hoad  * Buhez ar gwez Delioù zo a gouezh, lod ne reont ket. Pere, ha perak ?  * Anavezout ar gwez, sevel ul louzaoueg gant roudoù delioù	Dastum avaloù er werje  Dibab ha naetaat an avaloù  Dizoleiñ ar presouer  Drailhañ an avaloù ha sevel ar bern	Silañ ar chug  Sterilizañ ar boutailhadoù ha leuniañ anezhe gant ar chug graet gant ar strollad	Renkañ ar c'hambreier hag an aferioù.  Fardañ bara pe wastilli gant kistin ha kraoñ-kelvez e forn-koad ar greizenn.
<b>Goude-lein</b>	Mont da bourmen er c'harzhaoueg  Anavezout ha dastum frouezh an diskar-amzer	* C'hoari gant livioù an diskar-amzer	Lañsañ ar mekanik evit fardañ ar chug  Sevel c'hoarioù paotr-saout gant frouezh an diskar-amzer	Land art : sevel mandala bras an diskar-amzer  Tañva a bep seurt avaloù	Sevel ur skritell evit ar c'hlas gant poltriji da dplegañ an heuliad traoù d'ober da fardañ chug avaloù  Tañva ar chug hag ar bara fardet asambles
<b>Beilhadeg</b>	<i>Nozvezh dieub</i>	Beilhadeg krazañ kistin ha Kamishibäi	<i>Nozvezh dieub</i>	Beilhadeg kontadennoù e horn an oaled	c'hoari bilañs

### Ur c'hlas-natur en diskar-amzer ? Perak 'ta ?

- *Da gregiñ mat gant ar bloavezh-skol, gant ur raktres*
- *Evit broudañ ar guriusted ha bevañ ur mare dreistordinal*
- *Evit kreñvaat ar spered skipailh*
- *Evit kompren an natur ha sevel darempredoù ganti*
- *Evit krouiñ liammoù pleustrek gant pezh 'vez desket er skol*
- *Evit bevañ en un en-dro disheñvel deus hini ar skol...*

